



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Fasciculus Exercitiorum Et
Considerationum, De Præcipuis Veritatibus Christianæ Fidei Et Sapientiæ -
Ad efformationem Christianæ vitæ, consecutionem salutis æternæ
collectus: & usui accommodatus

Druzbicki, Kaspar

Ingolstadii, 1732

VD18 90066332

Exerc. 6. De Sanctis septem Principibus Angelis.

urn:nbn:de:hbz:466:1-45396

ris, momentisque exhibent, & coram cæteris Angelis, Beatisque mutuò gloriantur; demumque in cælestibus sedibus, sibi associatos collocatosque, exultant, & congratulantur?

10. Age jam, & statue tecum, quid te oporteat facere? qualem te deceat Angelis tuis Custodibus temetipsum exhibere? &c.

P R A X I S.

O Angeli Sancti Custodes mei: quàm ego omnibus bonis repletus sum per vos? Si me tradidero vobis in mancipium, & servum, non ero minimum ex parte condignus Providentiæ vestræ circa me. Sit benedictus DEUS, sit benedicta Pietas ejus, quam vos representatis in vobis erga me, omnibus diebus vitæ meæ. Ignoscite ingratiitudini meæ præterite, sustinete insipientiam meam, & ad voluntatem vestram deducite voluntatem meam. Vobis o Sancti Angeli implendum est, quod etiam nobis ab æternâ Veritate dictum est: In Patientiâ vestrâ possidebitis Animas vestras: vestræ scilicet curæ à DEO commissas. Ergo custodite me in Patientiâ, ut tandem representetis, restituatisque me Creatori ac Redemptori meo in lætitiâ.

EXERCITIUM VI.

De Sanctis septem Principibus Angelis.

I. **S**Tatue te coram septem Sanctis Angelis Principibus, qui adsunt coram Domino Deo semper, de quibus, non tantum sæpè, sed etiam magnificè loquitur Scriptura Sacra: tanquam de Principibus Spirituum cælestium, atque adeò omnium Creaturarum.

2. Ex

G:

ope

TO

N

S

2. Ex septem his Spirituum Beatorum Principibus, trium tantum nomina expressa & celeberrima habemus in Canonicâ Scripturâ, scilicet Michaëlis, Gabrielis, Raphaelis: reliquarum quatuor non item: attamen Urielis nomen habetur 4. *Esd.* 4. 1. Sealthielis nomen colligitur ex *Genes.* 16. 9. Jehudielis ex *Exodi* 23. 20. Barachielis ex *Genes.* 18. 10.

3. Michaëlis nomen explicatur, Quis sicut DEUS? Gabrielis, Fortitudo Dei, vel, Fortis Deus. Raphaelis, curatio Dei, medicina Dei, Medicus Deus. Urielis, Lumen, vel Ignis Dei. Sealthielis, Petitio Dei: Jehudielis, Laus, sive, Confessio Dei: Barachielis, Benedictio Dei.

4. Ex his Nominum interpretationibus innotescunt officia & opera horum Spirituum.

Michaelis enim est opus ac officium, Deum exaltare, ejusque Dignitatem, & super omnia excellentiam, profiteri, atque tueri: quod præstitit cum Ecclesiâ Angelicâ semel in cælo, & præstat idipsum assidue usque ad Judicii diem cum Ecclesiâ humanâ, cujus etiam ille est præses, in terrâ.

Gabrielis opus, & munus est, omnipotentissimæ fortitudinis Dei opera nunciare, procurare, promovere, uti fecit Danieli, & Beatissimæ Dei Matri.

Raphaelis est munus, Protectorem, salvatorem, medicumque Deum nunciare, vel exhibere, ut in Tobîâ sene, & juniore, & in Sarâ ejus uxore notum est.

Urielis munus est, mortales cognitione Dei illuminare, & amore incendere.

DRUF
Sicki
r: asat
II
V
7

Sealthielis munus est, orare Deum pro hominibus, iisdem spiritum orationis inspirare, & eosdem ad orandum Deum diligenter, frequenterque excitare.

Iehudielis est munus, ad confitendum Domino, laudesque illi deferendas excitare, & gloriam ejus promovere.

Barachielis proprium opus est, benedictiones, beneficiaque nobis apud Deum procurare: & nos pro beneficiis ad benedicendum Deo, agendasque gratias inducere.

5. Horum eorundem, septem Angelorum, officia septem explicantur in Scripturis. 1. Stare coram Deo semper, & in conspectu throni Dei: *Tob. 12. 16.* 2. Esse oculos Dei discurrentes in universam terram: *Zach. 4. 10. Ap. 5. 6.* 3. Tubas habere, iisque canere: *Apoc. 8. 2.* 4. Habere phialas aureas odorem plenas: *Apoc. 8. 3.* 5. Habere phialas plenas iracundiæ Dei, easque ex nutu Dei effundere in terram: *Apoc. 15. 6. 8. & Apoc. 16. 1.* 6. Gratiam facere, & mittere hominibus: *Apoc. 1. 4.* 7. Esse lampades arden- tes ante thronum Dei: *Apoc. 4. 5.* Quibus omni- bus designatur officium esse horum Angelorum. 1. Immediatè à Deo ejus voluntatem cognosce- re, & eam aliis inferioribus Angelis, rerumque administris nunciare. 2. Potissimùm verò An- gelos hominum, & rerum humanarum custo- des, de consiliis Dei circa homines informare, resque humanas per Angelos nunciatas, ab iis- que veluti exceptas, per se oculis Dei præsen- tare. 3. Ad hos eosdem Spiritûs septem spectat, potissimam Ecclesiæ Christi in terris curam gere- re, eamque tueri, propagare, fovere, erudire, con-

G:

ope

To

N

5

confortare, solari. 4. Spectat ad eosdem, perpetuum cum diabolicis spiritibus, omnibus quidem, at maximè, cum septem eorum, seu ordinibus, seu principibus (qui in hoc Mundo, & in Ecclesiâ, præcipuè salutem hominum, & Dei Christique gloriam, & omnem Virtutem, omniaque Spiritûs sancti Dona, omnem Dei Voluntatem, Consilia, & præcepta, omnia salutis auxilia in Sacramentis, & Sacrificio, & Gratiarum auxiliis sita, oppugnant, & evertere fatagunt, per capitalia septem vitia) bellum gerere, omnem nequitiarum istarum vires, artes, tentationes, consilia, retundere, infringere, convellere; Virtutes, cæteraquæ salutis humanæ auxilia in nobis per se, per Angelos, per homines inferre, & promovere, stabilire; atque ita fractis dæmoniorum viribus, nobis ad cælum, & ad salutem viam patefacere. 5. Ad hos etiam septem sanctos Principes spectat, Mundum hunc inferiorem, & nunc principaliter gubernare: & sub Mundi finem, eundem ad iudicium extremum, & ad finem, atque innovationem disponere. Ob quam rem iis tubæ, phialæ, tum odoramentorum, seu orationum, tum plagarum & Iræ Dei plenæ, attribuuntur.

6. Ex his collige 1. Quantâ præstent hi Sancti Spiritus, tum Naturæ in se dignitate: tum coram Deo gratiæ, gloriæque excellentiâ, tum in alias quoque Angelicas, & Humanas, & reliquas materiales creaturas potestate ac prærogativâ? Collige 2. Quanta præstent opera in hoc Universo, quanta beneficia conferant hominibus, potissimum Christi fidelibus, & Ecclesiæ filiis, Deique cultoribus. Collige 3. Quâli & quanto tibi sint honore

DRUR
SICKI
r: asca
II
V
7

honore colendi: quanta in eorum patrocinio fiducia collocanda, quantâ devotione, & frequentiâ orationum, & obsequiorum invocandi, & demerendi? Neque enim sine causâ dictum est per Joannem, toti Ecclesiæ: *Gratia vobis, & pax, ab eo qui est, & qui erat, & qui venturus est, & a septem Spiritibus, qui in conspectu throni ejus sunt.* Utiq; his verbis placuit, eorum excellentiam, beneficentiam, protectionem eximiam circa nos explicari: ac per hoc etiam omnes nos ad eorum amorem, cultum, obsequium, invocationem, & fiduciam provocari.

P R A X I S.

Domine, cui adstat omnis Exercitus Angelorum: & cujus throno adsunt Principes septem, qui sunt veluti oculi septem discurrentes in universam terram: trade obsecro universam Ecclesiam tuam, nec non me minimum Ecclesiæ ejusdem filium, in peculiarem curam horum tuorum beatissimorum Principum: qui me, omnesque illos, quos meos in Te esse scis, & vis: omnes item Ecclesiæ tuæ, tuosque filios, ab impugnatione capitalium nequitiarum defendant: ad te verò super omnia exaltandum, ad opera Virtutum heroica facienda coram te, ad medelas animarum periclitantium in hoc periculoso mari, ad illustranda, & inflammanda, cæca, & frigida mortaliū corda, ad supplicandum tibi, nec unquam ab oratione ad te desiciendum, ad confitendum & sacrificandum tibi Hostiam laudis, ad gratias perpetuas, tibi pro tuis innumeris, & inexhaustis beneficiis agendas promoveant: ac tandem dignos tuo conspectu beatissimo efficiant: & ad suam in assistendo tibi Societatem admittant.

EXER-

G:
ope
TO
N
5